

1613_267.jpg

Seconde Continuation.

267

bochus, Roy des Teutons, Cimbres & Ambrusins desfaict par Marius Consul Romain, cent cinq ans avant la venue de Iesus-Christ; lequel il disoit auoir esté enterré en vn petit terre ou colline aupres du Chasteau de Langon proche de Romans en Dauphiné, où on auoit trouué sa tombe enuiron dixsept ou dixhuit pieds dans terre, avec des medailles où le nom de Marius y estoit demonstré par vne M. & vne R. Bref Iacques Bassot en fit vne Histoire qu'il disoit estre veritable, & laquelle ledit Mazuyer vendoit, s'esforçant de prouuer son dire par passages tirez d'Osorius, Florus, & Plutarque; assurant qu'il falloit que ce Geant Theutobochus eust eu au moins vingtcinq pieds de haut.

Histoire de Theutobochus écrite par Bassot.


A Paris l'on alloit veoir pour de l'argent comme chose rare ces os, ces dents, & ces vertebres: Ainsi que les autres Charlatans, Mazuyer auoit à sa porte vne enseigne où estoient peints les os de ce Geant. Chacun en disoit son aduis, les vns tenoient cela pour impossible, les autres l'affirmoient veritable.

Gigantosteologie.

Vn Maistre Chirurgien à Paris voulut soutenir l'Histoire de Mazuyer & de Bassot, & fit vn liure qu'il dedia au Roy, & l'intitula la Gigantosteologie, où il vouloit prouuer par les anciennes Histoires, & par des medailles, que ces ossements estoient ceux du Geant Theutobocus, duquel 1. la longueur estoit de vingtcinq pieds & demy. 2. sa largeur, à l'endroit des espauls de dix pieds: 3. qu'auant de leuer

s iij

1613_268.jpg



1613_269.jpg

Seconde Continuation.

269

Orosius Florus & tous les anciens Historiens n'auoient fait mention aucune de ce pretendu trauesement : bien escriuoient ils qu'ils auoient passé par la Sauoye & le Dauphiné, qui sont à l'un des bouts de la France proche & dās les Alpes, bien loing des Pyrenees qui diuisent la France de l'Espagne.

Que les medailles que l'on asseuroit estre de Marius, estoit vne imposture visible; car en la figure pourtraicte dans le liure de Bassot, les lettres M. & R. que l'on disoit signifier Marius, estoient Gothiques, & non pas Romaines: & par consequent quant on auroit trouué de telles medailles elles estoient de nouuelle fabrique & depuis quatre cents ans.


Que les nouueaux Historiens de Theutobochus ayant escrit, que 1. sa longueur estoit de vingt-cinq pieds & demy, & 2. sa largeur de dix pieds, monstroient appertement leur ignorance: Car si la largeur estoit de dix pieds, il eust falu que Theutobochus eust eu quarante pieds de longueur: D'autant que la largeur d'un corps humain n'estoit que la quatriesme partie de la longueur.

3. Si la teste auoit en longueur cinq pieds, tout le corps en deuoit auoir trente; d'autant que la teste ne faisoit que la sixiesme partie du corps.

4. Si la rondeur de la teste estoit de dix pieds, la machoire inferieure n'en pouuoit auoir que cinq: & partant il auoit esté ineptement escrit qu'elle en auoit six.

s iij

1613_270.jpg



1613_271.jpg

Seconde Continuation.

271


& les anatomies le verifioient, qu'il n'y auoit
vertebre au corps humain, qui ne fust plus lar-
ge & espaisse que la plus grande & large coste;
partant que le morceau de coste que monstroit
Mazuyer, n'estoit pas d'un corps humain.

Que la hauteur ou longueur de la teste estant
douze fois plus grande que la plus longue dent
d'un homme; celles que l'on monstroit estans
d'un pied de long, il falloit que Theutobochus
eust eu vne teste de douze pieds de longueur:
& qu'en sextuplant ceste longueur, son corps
eust esté de soixante & douze pieds. Partant
si ceux qui auoient escrit en faueur de ces pre-
tendus os, eussent aussi bien sçeu les propor-
tions de chascue partie du corps qu'Appelles
lors qu'il voulut depeindre vn Geant, dont il
ne voulut auoir que la main pour représenter
les autres parties du corps, on pouuoit assuré-
ment croire qu'ils ne se fussent hastez de mettre
ainsi leurs imaginations en public.


Que si par le poids des dents, on pouuoit iu-
ger de la pesanteur, grosseur & longueur du
corps (la plus grosse dent d'un homme ne pe-
sant qu'une dragme, comme a remarqué Ges-
nerus) l'une des dents (de ce pretendu Theu-
tobochus) pesant quatre liures, il n'y auroit
point de doute, qu'il n'eust esté quatre cents
fois plus gros & pesant qu'un autre homme.

Quant à ce que ledit authœur disoit que l'os
femur ou de la cuisse auoit au dessous où estoient
les trochanters, trois pieds de largeur, vn pied
& demy en sa partie moyenne, & deux pieds en

1613_272.jpg



1613_273.jpg



Seconde Continuation.

273

Qu'il se voyoit aussi que ces preten-
dus os estoient faicts par condensation, ce
qui demonstroit que c'estoient pierres & non
os de corps humains: qu'ils estoient tous spon-
gieux, & par ainsi ne pouuoient estre ny d'hom-
me, ny d'aucun autre animal: & qu'ils estoient
fibres, ce que les os des hommes ou des ani-
maux n'estoient point. Ainsi le Maistre de ces
pretendus os de Theutobochus, voyant sa mar-
chandise descrite à Paris, la vendit à d'autres
charlatans qui l'allerent porter monstrier en
Allemagne & en d'autres pays, où ils gaignoiēt
leur trainante vie à ces pierres osseuses.


En ceste mesme annee vint à Paris vn autre
Charlatan vestu en Suisse, qui se disoit Herma-
phrodite, Il estoit natif du village de Goffe prez
Mets en Lorraine; & auoit esté baptisé pour
fille, & nommé Ieanne Iacques, pource qu'en
sa naissance il ne luy paroissoit aucune verge
virile, ains seulement vn petit trou de la grosseur
d'vn petit pois par où il pissait: Depuis ayant
atteint l'age de vingt ans, son sexe estant des-
couuert par vne verge longue comme le petit
doigt, son balanus imperforé couuert d'vn
prepuce, qui s'abbaisoit & descouuroit, pis-
sant tousiours toutesfois par son petit trou,
luy estant venu de la barbe, on dit qu'il estoit
malle Hermaphrodite, & fut appelé depuis
Iean Iacques.

Du commencement on l'alloit veoir, mais cela
ne dura gueres estant recogneu n'estre Herma-
phrodite. Aussi il fut le subiect du discours sur

*Des Herma-
phrodites,*

*D'vn Lor-
rain vestu en
Suisse.*

1613_274.jpg



274
M.D.C.XIII.
les Hermaphrodites, que Riolan Docteur en
Medecine & Professeur du Roy en l'Anatomie,
fit imprimer, pour monstret contre l'opinion
commune qu'il n'y auoit point de vrays Her-
maphrodites.

Et d'une
Moresque
qui se disoit
aussi Herma-
phrodite.

La verité de ce discours ne pouuoit entrer en
l'esprit de plusieurs, mesmes aucuns Chirur-
giens & Apoticares asseuroient le Docteur
Riolan, qu'il y auoit vne Moresque aagee de
vingt-cinq ans, bien formee aux deux sexes,
dont elle se seruoit, laquelle alloit par la vil-
le de Paris habillee en fille, recogneuë de tout
le monde pour Hermaphrodite, & monstree
au doigt par les petits enfans sur ce nom.

Toufiours les choses faulses sont receues par
vn commun bruiet pour veritables, & ne se des-
couurēt telles que par la curieuse recherche des
personnes qui ne desirent que profiter au pu-
blic. Il en est aduenü de mesme au faict de ceste
Moresque, car le Docteur Riolan n'ayant peu
par prieres, argent & amys la veoir & reco-
gnoistre, fut contrainct de s'adresser au sieur
de Fonctis Lieutenant Criminel de robbe-
cotte, qui ayant recogneu la consequence de
ceste affaire, l'asseura de prendre la Moresque,
& la mener au logis du Docteur Ellain, où se
deuoient aussi rendre plusieurs Docteurs de la
faculté de medecine.

La Moresque arrestee & prise y est conduite.
Interrogee combien il y auoit qu'elle estoit à
Paris, dit, qu'il y auoit dix ans qu'elle y demeu-
roit en qualite de seruante, & que maintenant

1613_275.jpg

Seconde Continuation.

275

elle seruoit deux Demoiselles logees ensemble. On luy demanda si elle estoit fille; elle respondit, qu'elle l'estoit où croyoit estre, neantmoins qu'elle auoit quelque chose de la nature d'homme: Mais comme on luy voulut manier ses parties, feignant de plorer, refusa de les montrer, d'autant, disoit-elle, que c'estoit chose honteuse à vne fille qui n'auoit iamais mal-versé de se laisser manier, & apprehendoit qu'on ne luy fist du mal en ces parties là, ou qu'on ne la menast prisonniere.

Le sieur de Fonctis, ayant doucement parlé à elle, avec promesse de faueur, si elle se laissoit manier & veoir pour recognoistre son sexe; elle condescendit qu'un seul la toucheroit, sans la veoir au iour, ou avec de la chandelle. Le Docteur Riolan en prit la charge; mais la Moresque rusée, vsant de son artifice, retira ses testicules dans les aines, & les cachoit avec sa verge dans le creux de ses mains: & de ses doigts, (qui sont le poulce & l'indicatif de chaque main) figuroit ses bourçes en façon de vulue, ou fente composee en son entrée de deux leures ou panneaux, chacune couuerte de poil ainsi que sont toutes bourçes repliees & mises en deux comme ceste Moresque faisoit. Mais sa subtilité recogneuë, ramenee en la chambre, on luy feist par force oster ses mains: & alors les Medecins apperceurent son membre viril prominent avec vne grosseur & longueur competente à l'age, & ses testicules pendans gros comme des œufs de poulle. De plus

1613_276.jpg




Image issue du site mercurefrancois.ehess.fr - Cliché (c) Cécile Soudan